



Kaun Onkosten dakjen fa waut hia aunjeäft es

KANSAS STATEWIDE FARMWORKER HEALTH PROGRAM

Foarm Oabeida un äare Famieljes kjennen derch dit Program Help kjrieen wan see bie eene Jesuntheits Aufdeelunk (Health department) ooda bie eene Klinikkj (community clinic) enjeregistreet sent, dee met dit Program toop schauft, un wan see von dee een Schriewen (voucher) jekjräulen haben. Dit Program tolts blooss de Sachen dee hia aunjeäft sent. De Pazient kunn schuldich sennen toom de Sachen betolen waut nich unja dit Program kommen. **Dit Program es nich Jesuntheits Veschrunk (health insurance); dit es blooss toom methalpen.**

Dit Program tolts nich fa em Hospital besorcht woaren ooda fa waut to Pazienten jedonen woat ooda fa doktren waut fuaz jedonen mott (emergency services). Dit Program es toom Jesuntheit fläajen (primary and preventive health).

Eene Doktarie dee aus Access Point Agency aunjestalt es, ooda dee daut Rajcht jeäft es, daut see wäm wieda aunjäwen kjennen, derwen fa dise Oabeit betolt nämen:

Impfen un Unjaspretzen: Fa impfen woat soo aus bie Medicaid jetolt.

Screening Tests: Fa Tests, dee derchwajch gebrokt woaren toom seenen auf wää veleicht eene Krankheit ooda Jesuntheits Aunloag haft, woat soo aus bie Medicaid jetolt.

Fiesische Unjasieekjungen:

Fa een **Kjint** unjasieekjen, soont aus (un nich blooss) woo jesunt dee von kjlien jewast es, am fiesisch unjasieekjen, wäajen, mäten, froagen waut dee to äten jehaut haft, waut am von Jesuntheit belieet es, un screening test.

Fa **Groote** unjasieekjen (oba nich blooss) woo Jesunt dee em Läwen jewast es, fiesisch unjasieekjen, wäajen, mäten, seenen waut dee to äten jehaut haft, auf hee je-impft es, waut hee von Jesuntheit belieet es, un screening dee sien Ella un Jeschlajcht paust.

Fa Groote un fa Kjinja unjasieekjen un testen, woat soo jetolt aus bie Medicaid.

Korta Besuch enne Offitz: Een korta Besuch enne Offitz bie een Dokta, Dokta sien Helpa, ooda Nurs dee doatoo aunjestalt es, es toom eenen Kranken unjasieekjen, ooda seenen auf soona jebätat haft. Fa dit woat nich mea aus \$40 fa jieda Besuch jetolt no däm dee daut Schriewen (voucher) jejäft haft, un de Kund tolts \$10 bat \$25, doano aus de Klinnikj daut haft. (Community Health Center, dee unja de Federale Section 330 jetolt woaren, kjrieen \$30 fa jieda Besuch, un dan noch doano aus berechticht sent (opp de sliding scale) un doa Jelt es (oba nich mea aus \$25). Trietment enne Offitz woat soo aus bie Medicaid betolt.

Narfen Jesuntheit: Een Besuch toom väabieejen, unjasieekjen, ooda väaschriewen jäwen fa Narfen Jesuntheit woat soo aus bie Medicaid betolt.

Too väl ennämen: Een Besuch wäajen Alkohol, Krut ooda Medizien mesbrucken, auf unjasieekjen un fauststalen waut däm schot, Trietment ooda wada aufschazen, woat soo aus bie Medicaid betolt.

Xray Strolen un Laborator: Hia woat soo aus bie Medicaid betolt. **Wan daut äwa \$150 kost, dan mott een Regional Case Manager ooda Program Director daut ieescht unjaschriewen.**

Uagen: Een Besuch toom vollständich de Uagen unjasieekjen toom väabieejen, väaschriewen, un Trietment. KSFHP betolt **nich** fa Brelle. De Oabeida woaren oba seenen, woo see Help finjen kjennen toom dee betolen. KSFHP betolt wan doa Uagen Krankheit ooda Onjlekj jeworden es. Uk eenmol daut Joa de Uagen unjasieekjen fa Lied met Zocka Krankheit.

Medizien: Väajeschräwne Medizien woat blooss bat \$150 en een Joa betolt, un bat \$300 em Joa fa dee met Zocka Krankheit. De Kund woat no de ieeschte \$5 von een Prescription jefroacht, wan de Famielje daut betolen kaun. Jie motten uk aules betolen waut äwa de \$50 von jun Schriewen (voucher) es. **KSFHP tolts nich fa Medizien dee onen Prescription to kjeopen jeit onen daut de Regional Case Manager ooda de Program Director daut unjaschrift. Een Prescription woat toom tweedemol betolt woaren blooss wan daut derch KSFHP jekomen sent, ooda fa Toobehia fa Zocka Krankheit.**

Pregnant Fruled: Aule Fruled dee pregnant sent motten unjasocht auf see Medicaid/SCHIP kjrieen kjennen. Fruled dee daut nich kjrieen kjennen, sullen no biljre pregnant Bedeenunk gonen. Wan de regional case manager daut unjaschrift, dan kunn KSFHP een Poat von de Bedeenunk verre Jeburt betolen, besondasch wan kjeene biljre pregnant Bedeenunk en äare Jääjent to haben es. Kunden woaren waut von de Bedeenunk betolen motten. Wan Bedeenunk fa pregnant Fruled erlaupt es, dan woat KSFHP fa laborator Tests un eenmol fa Ultrasound soo aus bie Medicaid betolen. Wan noch mea Ultrasound un aundre Tests to doonen fälen, dan mott daut von een Regional Case Manager ooda Program Manager unjaschräwen woaren.

Tänen: Bedeenunk fa Tänen **es nich** blooss Enzindunk ooda Weedoag. Dee es uk fa daut Mul unjasieekjen, Tänen Trubbel väabieejen, fluoride Trietment, Fulstäden oppfiksen, Operazion em Mul. Wie tolen de ieeschte \$100 von Tänen Oabeit un de Halft von de näakjste \$400. De Kund mott de Halft selbst betolen, un waut KSFHP nich tolts.

Wan doa noch Froagen sent, dan sull jie met dän Regional Case Manager räden.